



92592

少習駢體讀鄉前輩劉孟塗先生文歎爲絕口與王子卿
太守書獨闢町畦別開奧窔識議迥出吳山尊彭甘亭諸人上
惜曾賓谷都轉選

國朝駢體正宗竟未列入以爲異日有續此選者當以先生爲
稱首矣己未兵亂藏書蕩然此集亦歸烏有己卯庚辰間多方
購求始得全集竊幸斯文尙在天壤客秋先生哲嗣少塗過訪
出先生遺詩一冊見示皆亂後蒐輯未入正集者零章墜什幾
逸猶存亟屬高君子上詳加校核付諸梓人數十年仰企之忱
藉以少慰先生詩天才橫逸頡頏仲則茲編猶前編也讀者勿
以碎金而忽之光緒丙戌孟秋鄉後學盱眙王錫元識

孟塗先生遺詩卷上



桐城劉 開明東

登光明頂觀雲海作歌

青山對我非故容，須臾失卻千仞峯。雲出峯間各一綫，倏忽凝結成萬重。初出冒絮散巖谷，漸若車輪競馳逐。白龍變幻飛不停，吐氣歎薄迷空青。一碧平鋪疊成海，下無根蒂深冥冥。四山沒盡唯見頂，浮空數點旋螺影。雲來上與天爭高，低者平地起波濤。橫吞岡嶺疑岸列，直起如竿攢林梢。瀾漫勢欲無，川壑密布徑不遺。秋豪天女擲，練作游戲滿山無。縫衣瓊綃我回峯，頭纒一望海氣隨。風形蕩漾人以隻身立，空濛如乘寸查浮海上。文殊臺下雲延綿，始信峯前爭鬪妍。後海在始信峯雲多一氣忽盤旋，前海後海忽相連。此時有雲無地天，周圍擁向光明巔。令我乍

孟塗先生遺詩卷上

見心茫然足雖未動身，欲竄我踞雲中最高界。自謂我在雲氣外，眾人尋我望不真。頭上已有白雲蓋，日輪乍出天微晴。雲破班剝光鮮明，坐見輕風捲雲去。海中雲出山縱橫，十洲三島次第見。諸峯一一還舊形，大海茫茫消俄頃。世事繁華豈能永，海乾雲散天自清。石上人誰發，深省我今醉向雲海眠。酒醒便泛西湖船，藏來袖裏雪千片。安置吳山瑞石邊。

西湖泛月歌

欲從湖上尋名山，先與空翠相往還。兩湖看過謀泛月，一舟泛入波心間。初時雲暗厭空黑，月光不見見湖色。須臾雲破月飛來，湖光又隨月色開。白雲上交天下合，不停不動圓如杯。湖亭欲倒還復立，三潭塔影亦陳迹。唯餘月似古時明，不借蒼波洗顏色。波平天水同澄清，上下兩月光相爭。忽然風起月蕩漾，化

爲萬點皆瑤瓊此時夜半寒初迴水底鯁魚眠未醒月忽歛采
耀湖鏡一碧平鋪到千頃白氣直欲浮山嶺此身已浸月華中
豈辨天光與湖影我今舉杯須盡歡青天惠我白玉盤中有地
影凌高寒露華溼月吹難乾空明身世茫無端使我獨酌忘夜
闌西湖自昔無明月荷花桂子非尤物有月無此一湖水絕好
妝臺缺彼美月輪照到湖中天西子立在明鏡前獨向遙空理
青黛回姿抱影含餘妍嗟我相遇徒三年水月纔結今宵緣回
舟杳渺立天際雲淡如水生秋意蘭橈一盪三回看月亦戀我
光盤桓

是夜三更卽回尙未
盡興遂有來宵之約

登匡廬絕頂

我從天池來東風送微冷芒鞋踏處草生春一路天光隨過嶺
回看巖壑已成煙且向洞天凌倒景前行山與我爭高我怒騰

孟塗先生遺集卷上

二

身立山頂當空積氣連江東黛光遠落虛無中豈知石寒山骨
裂下有金仙玉女之靈宮煙深終古青濛濛林巒秀色隨風變
千百年中時隱見我來頓呼山雲開一日匡廬得眞面屏風九
疊何崔巍穿林怪石如人來崖端小語成奔雷潭有龍兮林有
虎我醉狂歌皆起舞天花擲下石梁端飛瀑隨之落如雨高高
天鏡漾空明人在羲和輪上行太乙西來接銀漢足下流泉出
天半泉聲亂入白雲中捲地風來吹不斷楚吳四望蒼煙浮千
里江湖一綫流江光忽射芙蓉朵返照連空天欲火下窺城郭
氣微茫世人見雲不見我我將詩句投人間化作晴霞飛滿山
山高露冷衣裳濕石氣逼人難久立五老爲我歌七賢向我揖
謂我乘風歸莫急前身識是劉立之

與余同姓名隱此中

重來須認丹梯

級我聞此語舒笑容更歷雲階數百重茫茫天外一揮手萬山

俯首如相從，霓車一去寂無影。李白沈醉尚未醒，我今獨臥長
松前。松枝低墜願爲枕，起尋瑤草不知名。山空彷彿聞人聲，鳥
飛忽到七千丈。我行已出飛鳥上，拂衣欲挽眾峯歸。翠嵐堆滿
飛龍杖。

山中醉題贈元伯彝望

怪石無端當我前，推之不起如人眠。山聲水聲爭入耳，足下定
有龍盤旋。東風知我醉無力，一時吹下康王谷。白雲擁之入層
崖，石室仙人皆舊識。手持花葉金玲瓏，招我臺畔聞天風。我衣
未解，眠雲中夢回。更下雲梯級，眾鳥爭來迎。不及一峯在前，忽
起立彩霞片片飛。我身露氣橫，侵不能濕。丹文赤石久沈淪，陰
壑無人花自春。春光暖入蒼苔徑，此心已與雲俱定。故人從旁
喚我歸，我不回言。山代應斜陽欲落，霧冥冥湖光澗影搖空青。
笑君遠向崖前立，似與青山作畫屏。

孟孫先生遺集卷上

三

讀史戲題

在昔鴻荒世，生民罕見聞。鶉居而鷓食，人自樂其羣。蒼頡何多
事，造此蟲鳥文。神知旣云發，情僞遂以分。徒令千載下，著述日
紛紛。哀聲起南國，煙水生愁氛。風流競相賞，文藻何續紘。至今
湘漢上，極目有浮雲。

偶成

多病強笑言，獨居少歡樂。幸有山水聲，可以慰寂寞。出戶望故
山，懷友念京國。物論不可憑，人心難豫度。清晨得羊膏，夕言醕
酒薄。五鼎羅珍羞，誰復記藜藿。所以巖下雲，不肖出邱壑。
觀飛來峯下諸洞喜作長句

雲根劈破山洞開，青天透入光盤回。尊來山鏡置人世，山靈肯

日眞奇才巨石怒立胡爲哉欲斷不斷疑崩摧上連雲漢盡翠
色下起地面無根菱借問此山出何處乃自天外遙飛來初入
洞門已深邃陰巖數轉歎神異豈知眞形隱後山人前不肖遽
相示洞口之境遊已窮更從山背尋靈蹤絕壁高下滴寒綠忽
然有穴山足通中開崑洞出意表千曲百折何玲瓏四圍隱見
徑可達石房無數疑琳宮細思山勢本樅立其外皆石中虛空
更有飛壁懸洞中直下欲墜排兩風去地寸許忽截住如此險
筆非人工我尋到此詫奇事多少游人身未至出雲入雲行再
四妙處一一呼朋記却笑山初來此地五丁用斧太恣肆或者
鬼神愛游戲骨節鑿通巧安置闢盡人間未有奇半出無心半
矜意山峯飛至果何年洞亦爲之藏雲煙我欲抱石入洞眠莫
更飛去蓬萊邊

孟堅先生遺集卷上

四

周南卿董竺雲劉春亭邀遊瑞石山醉賦

瑞石山前石亂生有如人立紛縱橫直起吳山不借勢彼此參
差如有情人言石骨太零碎蒼翠錯落難分明誰知此是山之
精中有靈根相貫注一氣所到形結成高者爲峯深者洞洞中
客至風迎送懸空一石來無端橫壓巖頭不嫌重同遊眾客何
率眞脫衣坐看青嶙峋洞曲胡爲一几陳云有攜筒賣酒人酒
紅色映苔花碧飲酣各欲畱游迹醉探霞光不盈尺出洞直上
更崔巍一望江湖兩面開歸帶暝色穿雲隈石亦驚我從何來

紀夢

梧桐昨夜落金井夢隨飛鴈過高嶺長風吹斷玉笛聲江波搖
蕩白雲影夢裏不知天亦秋醒來但覺孤衾冷

贈方瞻生

我昔維舟皖江頭長歌一曲楚天秋與君沽酒入高閣消盡人間萬古愁醉來落筆走龍虎墨花怒逐天風舞寒雲直下大江來并作東南一夜雨肩雨歸來泊畫船片帆高掛九秋煙臥聞鐵笛鳴江浦起見孤鴻入遠天君歸浮渡拾瑤草意氣直欲凌瑤島我復歎傲楚江濱醉踏雙龍頂上春西風黃葉白蘋水空憶溪南一故人故人久隔東山霧何意今朝忽相遇放懷不信天地寬高談豈覺雲山暮雲山閣淡風蕭蕭纖塵不動青天高他時得遂湖山志共上金焦望海潮

題廉泉太守柳陰納涼圖

柳枝夾道層陰起綠映湖光三十里繫得南風江上船使星半照于湖水坐久溪頭萬慮空一片波心清見底我公風流似白蘇新溝導出通三吳政閒偶向蘭亭憩柳邊斜插青珊瑚烹茶

孟參先生遺集卷上

五

待月坐盤石煙水微茫隔咫尺空翠濛濛淡欲無漁棹一聲天影碧林深徑僻炎暉收白雲似欲爲人畱涼風乍動天已秋修篁隱約出空際高情妙與煙霞契閱遍長江萬里流此間獨得濠梁意別有漁樵身外身綠陰疏處絕纖塵暫將碧海騎鯨客戲作青山理釣人

黃貞女詞

子規啼破丹山月貞木枝頭淚成血寒崖裂石草不春秦女高臺雲斷絕玉簫未奏鳳已孤珠殘鏡缺天糝糊香闥久抱衿纓志欲迎未迎隔人世四十紅芳從此逝病中猶表金石心此恨悠悠自古今

平默庭節端爲其尊人作麻姑獻壽圖書此奉題

青琳宮闕凌蒼煙鸞鳳同集天地連麻姑酒熟香風暖酌來持

進南雲邊雲中仙叟舊名宿手探天根迴地軸梧桐月向懷中
來照到天心看未足遨遊南北窮江關海波瀉入胸懷間千里
風雲爭一顧不畱遺憾歸名山花外輕車門外使遠近爭喜林
宗至黃金擲盡爲交游手持一編歸課子是時椒花頽已成鹿
車同挽餐元英塔前草青足生意白雲畱住春風聲耶君與我
相知久轉海移山樂無有奉詞欲附羣仙後但願蓬萊日並長
七明芝共五雲香天孫爲進錦衣裳丹山設幔霞作屋九華煙
氣籠松竹麻姑獻罷紫瓊花更借斗南人再祝春光如海香在
天一笑且住三千年

江上望小姑山

宿松一峯屹立江之北岸與南岸山對峙如門上有神女廟

楚山欲盡吳山出江流到此勢一束日高天際浮空綠小姑無
語向人立潯陽飛鳥雲中來危磯相對勢崔巍蛟龍東走不敢

孟塗先生遺集卷上

六

渡古石千年畱翠苔或言長鯨吸煙水崇巒欲駕狂風起海門
獨向楚江開橫截波心數千里我今乘舟離絕岸帆影高懸落
天半誰檣峭壁壓東南一點蛾眉青不斷蛾眉飄渺起中流珠
佩霓裳水上浮極目仙人不可接空山祠宇自春秋

寄題陳笠颿

預

中丞灌菊圖

高樹忽已秋眾芳難爲飾憐茲菊有華庭陰挺孤直植根本天
意灌漑資人力先生抗高躅東籬慕遺風寒香灌老圃願使秋
容豐豈爲惜其容且以明素衷夙昔秉芳潔滋蘭逾百叢矧乃
凌霜質而遺澗澤功過以青玉液瀉以碧瑤筒雖云舉手勞用
補造化工我聞濂溪云菊花爲隱逸託性近山林擢英爛霞日
公獨培幽芳發榮望其實推此以養士巖穴無棄黜又聞韓魏
公高情薄蒼穹愛此素秋節嗟彼春花紅先生惜貞幹母乃與

之同開府振英奇霜氣橫絕域草木識威名幽懷未能抑分來
九霄潤增此三徑色殷勤天日下樹德務蕃殖竊恐公此心陶
公猶未識

題顧友山種松圖

丈夫託迹在邱壑意氣飄然雲外鶴駿馬高臺不足登幽居惟
有林泉樂憶昔家園種樹時孤松獨挺歲寒姿造呼萬里天山
月高挂凌霄第一枝今年匹馬渡江口長風怒湧波濤走涼風
九月百草摧江樓西畔逢故友故友才高出世寰憑軒爲我話
友山幽情獨寄支離叟千株種滿白雲間有時夕陽沈澗底清
宵坐聽松濤起并將千歲之虬龍一朝收入雲檻裏我聞此語
破愁容滌盪萬古之心胸世人豈識冰霜節海內徒憐桃李色
吁嗟乎友山真似鹿門客

花田歌

孟塗先生遺集卷上

七

花田三月春深時花氣迷春春不支十里香土耕不得種來千
萬紅胭脂嶺南女兒好修飾妝成齊到羣花側對鏡臨流不自
禁要教花見人顏色花亦對人如舊識風前含笑枝無力人爲
花枝低有情春愁暗逐香風生嬌憨不語各無賴人心花意難
分明故宮舊恨煙如積遊人不管春消息直把花田作香國花
開花落自年年送行江柳無人憐

月夜登後屏山望五老峯

昔余居陵邱孤懷事高迴方舟越江波層臺娛歲景愧以塵露
身履彼霄漢境昨來鹿洞間懷古發深省石壁生虛陰峽流翻
素影愛此林泉清敢曰余心靜夜半陟後屏松風動高嶺五老
立雲中半天走引領前行峯轉遙久坐石微冷深谷氣如秋山

空夜生警四顧寂無人鐘聲林外永

始入廬山坐石上偶賦

春風知我來先期度前嶺我行如雲中青天半露影仰空一笑
登層臺露重風高山骨冷誰言此山無主峯我身到處卽絕境
明湖秀色向人開重重飛翠連天來戲將石上泉三疊酒作人
間水一杯金淵玉井耀寒素殘蘚斷文迷故路何人峽口誤題
詩石不能言水爲怒亂峰疊出來我前丹霞紫氣生其巔洞天
裂破深不測以手探之皆雲煙瀑流直瀉銀河水雪落龍潭飛
不起山僧不知源在天乃欲求之雙劔裏長風欲動錦屏張天
光并入雲中央下窺皎日橫飛梁手召眾客來山陽請看懸巖
最高處白雲與我誰低昂

游天池飲聚仙亭

孟嘗先生遺集卷上

八

匡君一笑天爲開晴嵐倒貫凌虛臺我向臺前倚孤石九江曉
色浮空來呼朋且酌鸚鵡杯手把芙蓉揮九垓偶然咳唾落天
外又被仙風吹復回東林遠壓千峯底此身欲挾崇巒起自有
雲霄萬古心不洗天池一片水青琳上共日爭明絕壁風高雲
有聲風吹衣帶如霞舉人與白雲相對舞四仙遙坐默無言似
笑吾徒多妄語吾徒年少恣遨游高歌直入天南頭鸞鶴爲羣
鹿爲友爭向亭前來勸酒玉山倒地人難扶賴有雲中一佛手
起折瑤花循谷口天影在前月隨後多情不肯作神仙區區富
貴吾何有文殊塔畔餘殘霞佛鐙高映千人家我車欲下洞門
遮竹影沈沈隔煙樹中有靈棲不知處興來石上欲題詩墨花
已逐雲飛去

題五老峯

眾峯爭下如奔駒勢欲突過彭蠡湖五老當前忽躍起遏住東南
南天半隅重開丹崖削飛壁百道晴光貫空碧峯頭日出山齊
明積翠千重一時赤芙蓉天半葉如金雲開四面落湖心蒼茫
海鏡知何在山氣臨春變成彩當時行徑已消磨此老至今容
未改石作洞房雲作門孤松倒出疑無根山鳥夜啼鬼歎惜洞
口寒煙深萬尺李白雲松安在哉千餘年後我重來當空一見
顏爲開我醉談詩君笑倒雲霧滿衣風不掃游人山下望不眞
遙指我身爲一老與君高踞明湖前五人相顧誰少年我戲以
手拍其肩紛紛霞氣落層巔怪我初來未深入坐見峯形如並
立豈知崖斷石參差彼此爭奇各怒出問君幾時來此間靈崖
秀絕非人寰瓊漿落處雲生班我今拄杖好行樂笑比諸君年
最弱未知他日重游時君猶如故我何若人生蹤迹如飛鴻山

孟登先生遺集卷上

九

不問人西復東願君隨我渡江去好向淮南見八公

湖中曉起看雲

太湖三萬六千頃半是山光半雲影一寸波生一寸雲人與飛
鳥何紛紛水天太近覺寒早春色三分秋七分夜來濕霧壓船
重夢醒孤衾猶自擁起視湖上雲連天四圍極望茫無邊此身
恍與水雲合曉氣共我相周旋舟行如在空際懸衣裳拂處皆
蒼煙一痕微指洞庭巔波心湧出山蒼然湖神怪我太多事輕
軀走險似游戲名山閱遍固自佳怡情却祇在寸地我聽斯言
竊心喜此游可以觀止矣誓把雄心洗江水枕雲高臥青山裏
誅茅歸隱從茲始

奉別桂舫中丞

倒屣軍門見恨遲月高故向斗邊垂不教國士當前失能動王

孫去後思竹葉香浮開盛宴梅花春暖問歸期行旌倘過龍眠
道記取天南惜別時

送胡果泉中丞入覲三首

新傳車騎出江臯前路仙風送羽旄天漢南臨三楚近神京北
望五雲高介圭此日趨龍闕珥筆當年本鳳毛料得延英親
召對幾番垂問 聖躬勞

江淮地重倚金城南國軒裳看此行好頌卿雲傳紫禁願分湛
露播蒼生出承 簡命綏民物入有嘉謨答 聖明爲報黃金
臺畔月早從天半照雙旌

杜陵偏荷鄭公憐欣送元戎隊入燕望闕幾曾知路迴渡河猶
及占秋先 九重恩詔須公亟千里雲山待節旋不是長安今
始近此身本在日華邊

題羅浮小住圖五首

孟登先生遺集卷上

十

闕得羅浮地幾弓雲林淡處染仙風都將四百峯秋色收入濃
陰薄靄中

嶺南君是地行仙石室偏尋世外天從此鮑姑居處近也應乞
得玉簫篇

自是高情野鶴間非關養病借名山畫圖各自開生面雲裏看
來總一般

碧桃剝落洞門開花鳥相親不費猜曾向玻璃亭畔立夜深應
見蝶飛來

高峯不共石樓連半染煙光半接天檢點前宵來處路他年好
抱白雲眠

題美人對鏡圖二首

淡掃冰姿映日寒
額黃眉翠不須安
如今誰解憐眞色
只合妝臺對影看

滿輪明月照全身
桂影菱花認不眞
轉笑廣寒諸女伴
與儂同是鏡中人

爲鄭明府送芝圃尙書赴陝廿任四首

絳霄卿靄麗雲端
昨報天書下紫鸞
分陝任隆周召伯
登壇人到漢長安
檄飛紫塞風千里
騎走黃沙路幾盤
掃遍霜花施雨露
邊關從此少秋寒

昔日牽帷近九垓
謂觀察重臨虎帳向雲開
河山絕頂歸戎府

今古當關屬將才
九曲流從天半落
三峯翠撲馬頭來
唐碑漢瓦生顏色
風雅千秋得主裁

西江久在惠雲中
星漢恩膏竹帛功
淵海靜時同止水
雷霆震

孟達先生遺集卷上

十一

處亦春風頻年鼓角鳴
秋早八月旌旗出
塞雄爲報河西諸屬國
將軍早晚向崆峒

鴛行逐隊愧儒巾
且喜軍門謁賀循
八載瑟居甘拾藿
一官匏繫荷推輪
吹颺竟有飛騰氣
依稀深慚落拓身
今日星軺西指處
蒼生多少戀行塵

題美人抱琴圖二首

顏色人傳勝綺蘭
調高況復帶秋寒
自從秦罷青鸞曲
獨坐新蕉不再彈

抱得金徽思轉添
袖羅輕護玉纖纖
不因閨閣知音少
嬌小生來惜指尖

七夕

仙風吹上碧雲端
見說銀河跨紫鸞
天上霞章原早製
江南秋

思渺無端拋梭肯化流星彩洗路從無暮雨寒時久不索榮華
不祈巧一家惟願乞平安

倪體中合邑

鬱金堂下玉嬋娟春轉梅花未放先翠羽來從青漢外鳳簫吹
近紫雲邊一雙璧彩絲難揜三五年華月早圓可是瑤姬今夕
降題詩天遣絳臺仙

題呂幼心明府詩卷後二律

龍門深處綺筵開咳唾天風落酒杯一卷詩從元圃出千秋派
自浣花來剗磨金碧畱真氣跌宕雲山識異才我早攜歸清夜
讀案頭隱約鬱驚雷

去年禾黍委荒榛神父心勞爲濟民起盡瘡痍重造命挽回天
地更生春論文直願空前壘得句寧教讓古人辛苦道州元刺

史春陵一曲最傷神

公有桐鄉行極憫
敝邑被災之苦

題畫扇

刺桐低亞露縱橫不是臨風亦有情移入半輪秋色內春愁澗
淡總分明

代題桃花潭水圖寄友

潭映紅霞水漾波桃花春奈遠人何如今豈止深千尺持比離
情淺不多

寒夜

有情好月偏生怯無力瓊漿枉自斟漫道連宵霜露冷此身原
抱歲寒心

偶賦

仙桃移下玉臺邊香靄凝空欲化煙爲語曉鶯啼莫急昨宵殘

夢在花前

將歸謝曹扶谷明府三首

結居地共號桐鄉江北江南路杳茫玉鏡新逢陳令尹瑤華舊
是蔡中郎十年春色臨官閣幾度秋風咏皖陽一自宣州迴棹
後桃花潭水爲誰香

飄零我自滯江村贏得啼鴉伴曉昏海內幾人憐范叔天涯無
客歎王孫囊餘桐葉新詩句衣染松花舊酒痕賴有多才香案
吏肩將瓦石作瑤琨

亂峯斷處碧雲遮坐倚闌干歎物華萍草東流誰是主鴈羣南
渡久思家歸心直下三江水古道將迴百里車相見恨遲行又
早不堪西望白麟霞

題楊惕吾明經新阡圖三首

孟登先生遺集卷一

七

白楊細雨墓門春愁向新阡哭舊人辛苦潘郎腸斷句夕陽無
語弔芳辰

死別匆匆怨未平埋香兩度得佳城人天路隔重相見畱補生
前未了情

濃峯爲黛霧爲鬢芳草多情護玉顏從此東風寒食路桃花紅
近墓前山

黃山莊十景和家淇園先生十首

巨石崔巍壓碧叢日高飛翠逼晴空浮雲穿斷二千尺疑與人
間路不通

參天怪石

深谷蒼蒼響暗泉半含雲影半含天此間不是桃花水那有瀛
郎洞底眠

暗谷流泉

幽壑層陰接遠坪虬龍幹染露華清不知昨夜松濤起認作枝

頭風雨聲

幽壑松風

高齋半面碧天開却掃南窗萬點埃漏盡四山人未起朗吟聲

出白雲隈

青雲曉讀

雲散空林鳥又飛層巒四望翠成圍天風吹雨知何處獨有青

山送落暉

晴巒晚眺

一字山橫碧玉琴溪旁路冷石苔深不須更覓雍門曲自有春

風到北林

一字橫琴

橫溪日暖水紋多人隔桃花路若何幸有小橋渡春色不教煙

景付流波

短橋春水

翠蓋珠盤影乍欹芰荷風起暮寒時請看深夜瀟瀟雨添得庭

前綠滿池

荷池夜雨

高高朗月共雲浮竹影蕭疏半人樓百尺竿頭天不夜涼風搖

動暮山秋

竹林夜月

孟翁先生遺集卷上

古

梅花夜雪冷侵塢白玉林中夢有無看罷不知天欲曉猶疑枝

上月平鋪

梅塢白雪

題金竹圖二首

渭川千畝本無嫌要把黃金作色添漫道此君風骨峻清高也

自賴莊嚴

醉掃黃雲染萬竿枝頭失却碧琅玕碎金點處春風暖從此無

人倚暮寒

代呈楚翹少宰二首

九苞瑞卜立朝初湛露恩深看直廬說士共推韓吏部論文不
讓沈尙書三銓流品歸金鑑一代雲英總石渠何意迴翔天近
處高情竟不薄樵漁

書生挾策赴長安，自坐春風不覺寒。一顧眞能教士重，千秋最是受知難。扶雲鶴鶴驚秋迥，近水魚龍識海寬。若使攀鱗還有幸，攝衣應勝上瑤壇。

將赴都門有感三首

賦罷驪駒轉怨思，高堂回首戀親慈。致身我愧無長策，去國情偏異昔時。賈誼久輸辭洛早，馬周已恨入關遲。平生本不因人熱，到此還憐訪故知。

天邊同學各離羣，淪落江頭手又分。先我祖生皆黑髮，笑人鄧禹自青雲。五陵裘馬爭春景，三楚風波久夕曛。計日金臺山畔過，鳳城飛絮落紛紛。

曾記蓮開幕府寬，當筵草檄掃冰紈。已看司馬游蹤倦，久識楊雄獻賦難。入世幸逢青眼慣，出山拋却白雲寒。摩天鴻鵠飛無定，風起遲回顧羽翰。

子真先生遺集卷上

五

題韓桂船大司寇奉旨歸祝圖二首

錫齡殊典出楓宸，天上人歸慶八旬。四海榮傳千古盛，九重風送一家春。中朝物望推隆棟，南國雲山護大椿。手奉鸞書親獻壽，袞衣當作彩衣新。

上台星動到吳天，南極輝高並蕊淵。人瑞久承丹殿錫，君恩許賦白華篇。聽鐘樓畔詩成海，畫錦堂前客亦仙。一簇紅雲歸最早，稱觴正好趁春妍。

題黃明府竹裏彈琴圖二首

朗月照幽懷，坐看夕霏歛。貪愛竹林深，不覺人世遠。傍石惟修竹，鳴琴對白雲。古音人未識，彈與此君聞。

吳松岑明府索題停琴伫月圖二首

覓得龍門七尺琴，瑤絃未理坐桐陰。人間畢竟鍾期少，好待姮娥識此音。

蒼苔掃罷聽無聲，古鼎香濃暮靄橫。漫說高山堪見志，此心原自愛空明。

呈寄圃尙書五首

代

將相謨猷柱石功，忠誠自昔格高穹。斗南重望歸仁傑，江左蒼生戴謝公。扶起浪雲消宿翳，挽回地力仗春風。三吳元氣何難復，祇在持籌燕寢中。

已從嶺表沛甘霖，更向滇西展素襟。全楚春隨雙節至，謂自兩湖移督正大江澤爲一人。深渾金樸壁山公度奉日，回天魏國心見說。五花勤判牘，大朝樓閣倦登臨。

漕輓牢盆治肅清，黃河力障慶波平。頻年關塞傳新政，一代旂

全忠愍先生遺集卷上

六

常屬老成。聖主信公原有數，大臣謀國恥求名。濟時不露鋪張迹，卿月無芒萬里明。

手轉洪鈞力，獨支家聲繼。起重丹墀，焚香事密天。能鑿報績心，勞世共知千。切豫章高有蔭，三春膏雨潤無私。温公政暇仍勤學，大雅如今得主持。

鯁生蹤迹滯江洲，橐筆空爲萬里游。驚賞舊曾蒙僕射，受知今幸謁荊州。身慚南國無雙譽，心折時賢第一流。不向龍門高處立，青蓮書更覓誰投。

寄題蘭坡侍講霜幃課讀圖二首

機聲初罷聽書聲，慈母霜幃涕尙橫。課罷其兒依倚處，一燈寒照寸心明。

殘更晝菽值蕭辰，但願孤兒事業新。却喜歐陽成立早，當年辛

苦鄭夫人

題畫美人圖二首

意態臨風勢欲翔，傾城顏色內家妝。
瓊花公主原同癖，把定春懷抱麝香。

犬名

恍忽瑤姬下碧虛，客窗夜靜月初初。
劉郎已恨桃花遠，賴汝殷勤伴索居。

送李芝齡學使旋都三首

手挽頽波俗頓醕，三年持節費陶鈞。
冰壺朗照吳山月，鐵網全收越海春。
桃李萬株思化雨，風雲千里護歸輪。
懸知召對天顏喜，報國文章已得人。

詞臣遭際荷殊榮，使院萊衣慰奉迎。
白髮春長生杖履，黑頭人羨作公卿。
國恩家慶真無比，鳳羽麟文重此行。
雷得口碑傳

于忠肅先生遺集卷上

七

兩浙後先汪

謂瑟庵大宗伯

李共齋名

歐公賓佐盡名流，也許龍門集野鷗。
折節肯教遺一士，入朝端好祝千秋。
攀轅冠蓋都難別，故里旌旗喜暫留。
此後思公須

北望文昌星已照，皇州

題閩中織錦圖二首

著手雲霞制最工，蒲萄錦映夜燈紅。
秋風忽唱離鸞曲，一卷青詞讀未終。
組織春情憶舊歡，深閨韻事足心酸。
圖中多少黃門恨，莫共迴文字並看。

題清澗居士空山聽雨圖二首

山靜風清鳥語和，此心定處雨聲過。
分明萬點春消息，滴向幽蘭葉上多。

散罷天花困不支
空明世界雨迷離
夜寒忽重霞衣薄
正是空階小立時

題春亭聽鳥圖二首

繪出當年出谷情
綠楊深處羨鶯鳴
枝頭求友原非濫
領取春風第一聲

同伴金衣鬪羽翰
能言鳥眾識音難
憐君解聽真消息
莫作雙柑斗酒看

題張完素明府送別圖二首

儒林循吏各專長
不料相逢在豫章
莫爲罷官感今昔
眼前何事不滄桑

蘇齋送別句爭新
惜我匆匆認未真
見說文園纔病減
客中保重著書身

題柚村梅妻圖二首

古香自昔傍詩家
爭得人如蔓綠華
君有孤山好風骨
也應眷屬似梅花

本來仙偶勝羣芳
尚有三生願未償
曾向花前三弄曲
斷腸聲雜鳳求凰

春風傳信雪爲媒
好夢羅浮已暗催
翠羽一雙飛欲近
月明檢點候人來

歸至江上口占二首

巖風朔雪故人心
話別雷陽泣素襟
此去空彈流水調
無人能識伯牙琴

片帆東下楚雲端
一枕天涯夜未闌
夢裏思君驚坐起
漏長無奈角聲寒

將至雷陽途中有感四首

風塵滿目出家鄉載得新愁入錦囊
惆悵斷橋來去路馬頭月色夜如霜

飄零蹤迹等飛蓬遠徑雲深路未通
山郭杏花河畔柳半春消瘦雨聲中

輕車今已到江關虛說春深有鴈還
幾度天涯離別淚夢中猶洒故園山

春衫不奈五更寒況是東風馬上鞍
回憶故人隔天末江干顛賴素心蘭

秋夜

日落滄江暮色消滿城燈火映橫橋
平沙月朗天疑雪大壑風生夜欲潮
萬點蘆花飛碧浦一行鴈字列丹霄
誰知皖國驚秋色猶逐殘煙送短橈

孟達先生遺集卷上

五

客懷三首

江水曾經照客心秋來潮落尚情深
西風岸上青楓晚落日啼鴉憶故林

瑤琴誰自理城隈乍響人驚別鶴哀
涼夜風高吹不斷聲聲飛度女牆來

仙風吹動碧琅玕夜月新成白玉盤
覓說天花飛落處有人獨立彩雲端

將歸留別沙雪湖明府二首

頻年鴻爪遍芳村況復高城度曉昏
作賦自慚非白鳳攝衣誰料入朱門
秋風夜翳西牕燭晴雪晨開北海尊
不是中郎能好客無因座上識王孫

桐溪東望夕陽斜
皖口西來歲月賒
百里關河猶故國
三冬魂夢落誰家
已收絳帳捐繁露
欲向青山踏暮霞
拜別言歸寧恨晚
江梅尙有未開花

寄碩士編修三首

去年秋色滿江干
夾岸飛花壓釣竿
我已車停黃葉外
君方舟駕碧雲端
相逢不覺濤聲急
對飲寧知雨氣寒
無奈孤帆旋北去
空從皖口望長安

高亭日暖柳毵毵
依舊人停陌上驂
正是夢魂縈冀北
忽傳鴻鴈到江南
書來遍說金閨彥
我見如聞玉屑談
寄語鳳凰池畔客
新詩多少在雲藍

早年雲錦製東吳
對策爭傳漢大夫
燕地笙歌春思永
楚天風雨客心孤
三千里外懷紅藥
七十峯前憶紫都
滄海橫流君莫讓
扶輪從古仗吾徒

孟望先生遺集卷上

三

漫賦

長河流水各東西
兩岸青山護柳堤
落盡楊花春自去
子歸何事日邊啼

卽事

莫向江頭問皖公
青山終古自東風
吹來雲氣千重碧
隔斷斜陽十里紅
人去尙聞啼別鳥
春深幾見未歸鴻
表忠觀裏花如故
三擊銀壺望帝宮

贈朱紫綬孝廉二首

孝廉自楚來皖復入楚

君下襄陽向小孤
扁舟一夜泊城隅
相逢古寺愁霜葉
話別微風動竹梧
郢里不堪歌刻羽
齊門自解聽吹竽
途窮莫歎無知己
我亦高陽舊酒徒

風塵何處訪袁耽，旅舍無人送客驂。此去好浮雲夢水，歸來休戀洞庭柑。侍中舊恨餘芳草，司馬愁心問古潭。倚見月明飛夜鵲，也應回首望江南。

贈張柙軒觀察三首

昔年建節在黔州，犀帶鴻銜幾度秋。環翠峯前無鬪虎，羅沖關外斷童牛。香山到處皆青軸，司馬歸時未白頭。今日宣城風雪裏，五花幸駐碧雲樓。

銀河我缺錦霞裳，妄擬天孫轉七襄。染翰久慚齊孝綽，賞音深荷宋思光。雪車冰桂畱高閣，嶺樹江雲憶故鄉。每向尊前霏玉屑，不知簾外月如霜。

鳳孫才氣壓高邱，落筆思輕萬戶侯。吟盡春風天欲雨，歌殘江月夜疑秋。見花自是瑤臺種，湖水因窺積石流。從此青蓮書兔

孟鑑先生遺集卷上

三

上鄉關已自識荊州

登鎮皖樓有懷

小蓬萊在楚江頭，秋色橫空鴈過樓。風掃殘霞飛斷壑，天懸孤日下中流。呂蒙戰氣沈衰草，郭璞行蹤問故邱。極目雙龍山路，令人惆悵古舒州。

章門喜晤尹若亭明府二首

相思千里望迢迢，小集華筵絳蠟燒。不是尊前貪話別，三年纔得到今宵。

章門吏隱擅風流，快意新書共舊遊。照得西山高處月，孤懷長抱一輪秋。

陶雲汀

謝

方伯以皇華草見贈賦此奉呈三首

金晉威名振域中，開藩澤遍大江東。氣澄似海秋懸鏡，事重如

山帝借公收歛波瀾同止水挽回地力仗春風蒼生都向吳天
賀請看卿雲奉日紅

使星曾照錦江隈蜀道秦關看往回一卷攜從天上過萬山飛
入句中來奇懷破險成仙境逸氣盤空走怒雷讀到皇華詩好
處峨眉積霧爲公開

瑤壇先世擅文章

謂尊甫先生

後起名高北斗旁大雅多時歸柱石

詞源千里出瀟湘憐才雨澤滋桃李愛士雲霄引鳳凰漫說賞
音今罕遇東坡昨已見歐陽

代祝師荔扉先生六十壽二首

遙天瑞靄起昆邱秘監風流未白頭宦迹由來窮萬里詩名從
此重千秋牆高愧立門前雪春入先添海上籌今日士民盡高
望歲星尙照古揚州

孟塗先生遺集卷上

七

出處人間各一時點蒼煙月大雷詩三春柳認陶元亮十里花
迎杜牧之脫畧偏教身世遠迂疏深負我公知香心一瓣歸何
處願逐東風入酒卮

閏七夕

良宵已過鵲西東今喜星橋路更通一樣時偏逢故侶三句人
共訴秋風銀河再渡猶前轍天錦重裁較舊工可惜未能叨好
會倚闌坐待彩霞紅

題胡書農學使頤園記四首

絳帳臨三楚青瑤捧一編 恩方承北闕化已被南天彩服當

春舞名園勝迹傳卿雲纔和畢又賦白華篇

家世西湖遠

謂學使籍仁和

賢聲上國知名魁龍虎榜價冠鳳凰池持

節 君恩重和丸母教慈每垂星月照回憶夜燈時

十畝頤園地間雲掃正寬江山供奉養花鳥亦
寒冰桃赤玉盤春光隆壽域不覺木天寒
咫尺龍山近仙風隔座聞亭多慈孝竹樹帶吉祥雲月樹輝常
駐天章手獨分狂瀾同學海慈訓稟宣文

